



Broj: 02-11-2302-2/24
Zenica, 21.03.2024. godine

Na osnovu člana 70. stav 1., 3. i 6. Zakona o javnim nabavkama («Službeni glasnik BiH», broj: 39/14, 59/22), na prijedlog Službe kabineta Gradonačelnika, Gradonačelnik grada Zenica donosi:

O D L U K U
o izboru najpovoljnijeg ponuđača za nabavku pogonskih goriva

Po provedenom otvorenom postupku za nabavku pogonskih goriva, objavljenog na portalu javnih nabavki, broj: 1355-1-1-8-3-37/24 od 12.02.2024. godine, i u Službenom glasniku BiH broj: 14/24 od 22.02.2024. godine, za najpovoljnijeg ponuđača izabran je:

„HIFA-PETROL“ d.o.o. Sarajevo

O b r a z l o ž e n j e

Po provedenom otvorenom postupku za nabavku pogonskih goriva, zaprimljene su ponude sljedećih ponuđača:

1. „HIFA-PETROL“ d.o.o. Sarajevo
2. „ENERGOPETROL“ d.d. Sarajevo
3. „ALMY“ d.o.o. Zenica
4. „DHD“ d.o.o. Zenica

Ponuda ponuđača „ALMY“ d.o.o. Zenica ne ispunjava uslove iz tenderske dokumentacije iz sljedećih razloga, jer je u svojoj ponudi propustio dostaviti uvjerenje/potvrdu/izjavu/certifikat o usklađenosti kvaliteta tečnih naftnih goriva za Benzin motorni bezolovni 95 – bmb 95 EN 228, zbog čega ponuda ponuđača „ALMY“ d.o.o. Zenica ne ispunjava uslove iz tenderske dokumentacije, te se ponuda odabacuje u skladu sa članom 68. stav 4. tačka i) Zakona o javnim nabavkama.

Ponuda ponuđača „DHD“ d.o.o. Zenica ne ispunjava uslove iz tenderske dokumentacije iz sljedećih razloga: U svrhu prilaganja dokaza o posjedovanju tehničke i profesionalne sposobnosti iz tačke 3.3. pod b) ponuđač dostavlja uvjerenje/potvrdu/izjavu/certifikat o usklađenosti kvaliteta tečnih naftnih goriva i izvještaj/certifikat o inspekciji za tečna goriva.

Ponuđač „DHD“ d.o.o. Zenica u svojoj ponudi dostavio uvjerenja/potvrde/certifikate koji ne glase na ponuđača „DHD“ d.o.o. Zenica nego na druga lica, kako je detaljno obrazloženo u Zapisniku broj: 11-11-2302-9/24 od 18.03.2024. godine. S obzirom da nijedan od certifikata/uvjerenja/izjava ne glasi na „DHD“ d.o.o. Zenica, ponuđač „DHD“ d.o.o. Zenica nije ispunio uslov iz tačke 3.3. tenderske dokumentacije, zbog čega se ponuda ponuđača „DHD“ d.o.o. Zenica odbacuje u skladu sa članom 68. Stav 4. Tačka i) Zakona o javnim nabavkama.



Ponude ostalih ponuđača ispunjavaju uslove koji su zahtijevani u Tenderskoj dokumentaciji.

Procijenjena vrijednost za predmetnu nabavku iznosi 51.280,00 KM bez PDV-a.

Procjena ponude i rangiranje, dati su u Zapisniku I Komisije, broj: 11-11-2302-9/24 od 18.03.2024. godine, Zapisniku II Komisije, broj: 11-11-2302-10/24 od 21.03.2024. godine, a izvršeni su na osnovu Poslovnika o radu komisije, broj: 11-11-2302/24 od dana 06.02.2024. godine.

E-aukcija je održana dana 20.03.2024. godine sa početkom u 12:00 sati. Početna najniža ponuda bila 51.246,66 KM bez PDV-a. Na e-aukciji su učestvovalo dva ponuđača, pri čemu je cijena snižena jedanput. E-aukcija je uspješno okončana u 12:30 sati, te su ponuđači bodovani kako slijedi:

R.B.	Naziv ponuđača	Cijena u KM bez PDV-a	Bodovi
1.	„HIFA-PETROL“ d.o.o. Sarajevo (Hotonj bb, 71320 Vogošća, ID: 4200999090005	51.228,72 KM	100
2.	„ENERGOPETROL“ d.d. Sarajevo	51.246,66 KM	99,96

Ugovorni organ je izvršio izbor najpovoljnijeg ponuđača „HIFA-PETROL“ d.o.o. Sarajevo, na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-2302-1/24 od 05.02.2024. godine.

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 3.5. tenderske dokumentacije.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BiH br. 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:
4 x Ponuđači,
1 x Tenderska dokumentacija,
1 x Služba kabineta Gradonačelnika
1 x a/a

